

## **SAN BARTOLOME – EASO KALEETAN DONOSTIAKO METROAREN ERAIKUNTZA OBREN ERAGINPEKO TARTEETAN KOKATUTA DAUDEN ENPRESEI ZUZENDUTAKO LAGUNTZEN PROGRAMAREN OINARRI ARAUTZAILEAK**

Donostia Sustapenak estrategia eta kudeaketa eredu berri baterako trantsizioaren aldeko apustua sendotu egin du, hirian berrikuntzaren erreferente bihurtzeko eta Donostiako Berrikuntza Agentziaren rola bere gain hartzeko.

Ahalegin horretan, laguntza emango die pertsona, enpresa eta proiektuei, pertsonalizazioa, kalitatea eta foku estrategikoa ardatz hartuta, eta hiriko berrikuntza ekosistema osatzen duten gainerako eragile publiko zein pribatuekin lankidetzan aritzeko asmo argiarekin.

Berrikuntzaren bultzada eta hiriko enpresa proiektu berritzaileen hazkundea lehentasuna dira Donostia Sustapenarentzat, hiriaren garapenerako oinarria baitira.

Gaur egun, 15.600 enpresa daude Donostian, hau da, enpresa dentsitatea 80 enpresakoa da 1000 biztanle bakoitzeko. Horrela, Espainiako hirugarren hiria da, Bartzelona eta Madrilen ondotik bakarrik, eta Valentzia, Malaga edo Bilboren moduko hiriburuen aurretik.

Testuinguru horretan, enpresa ehunari zuzendutako laguntza Donostia Sustapenaren jardueraren erdigunean kokatzen da, 1350 enpresa onuradunetik gora izan dituzten 2023an abiarazitako zerbitzu, laguntza eta programen inpaktuak islatzen duen moduan.

### **AURREKARIAK**

Donostiako METROAREN eraikuntza obren garapenak, erdiko eremuan, afektazioak eragingo ditu ibilgailuen eta oinezkoen zirkulazioan, San Bartolome kaleko tarte jakinetan eta horien alboko Easo kaleko zatietan.

Esku hartze horrek obren ingurunean kokatzen diren jarduera ekonomikoetan sortuko dituen afektazioak eta horien iraupena (6 hilabetetik gorakoa) kontuan hartuta, Donostia Sustapenak egokitzen jo du egoera hori hobetzeko laguntza lerro bat ezartzea, zergen eta udal tasen zati bat diruz lagunduta.

Ekimen hori Donostia Sustapenak, hiriaren garapen ekonomiko jasangarriaz arduratzen den udal erakunde publikoa izanik, enpresa ertain eta txikiak dinamizatzeko eta tokiko enplegua sortu eta sendotzeko helburuekin sustatzen duen laguntza programaren esparru barruan dago.

Laguntza hauek jarraian adierazitako **XEDAPENEN** arabera arautuko dira.

## 1. ARTIKULUA. LAGUNTZAREN OBJEKTUA

Laguntza hauen objektua da Donostiako San Bartolome eta Easo kaleetako tarte jakinetan Donostiako METROAREN eraikuntza obren inguruan kokatuta dauden establezimenduen jarduera ekonomikoa eta enplegua sendotzen laguntzea.

## 2. ARTIKULUA. BALIABIDE EKONOMIKOAK

Donostia Sustapenak 25.000 euro bideratuko ditu gehienez laguntza hauetara. Zenbateko hori aldatzea gerta liteke, Donostia Sustapenak berrikusketa egokitzat jotzen badu.

## 3. ARTIKULUA. ONURADUNAK

Laguntzaren onuraduna izango da laguntzaren esleipenaren oinarria izan zen jarduera egingo duen pertsona edo esleipena legitimatzen duen egoeran dagoen pertsona, betiere Oinarri hauetan eta, bereziki, laguntza mota bakoitzean xedatutako baldintzak betetzen baditu.

Laguntzen onuradunak pertsona fisiko edo juridikoak izan ahalko dira, publikoak edo pribatuak, nazionalak edo atzerrikoak, eta baita aurreko kasuetako nortasun juridikorik gabeko taldeak ere, behar bezala eratu badira ordenamendu juridikoaren arabera eta Oinarri hauetan xedatutakoa betetzen badute. Kanpo geldituko dira 2/2014 Foru Arauak, urtarrilaren 17koak, Gipuzkoako lurralde historikoko Sozietateen gaineko Zergarenak, 14. artikuluan definitzen dituen ondare sozietateak.

Oinarri hauetan ezarriko dira egokiak diren laguntzak eskatzeko bete beharreko baldintzak eta horiek betetzen direla egiaztatzeko moduak. Edonola ere, Dirulaguntzen Lege Orokorraren (aurrerantzean, DLO) 13. artikuluan xedatutakoa bete beharko da, ondore hauetarako aplikagarria dela berariaz adierazita.

Ez zaie laguntzarik emango egoera hauetan dauden pertsona fisiko edo juridikoei:

- Indarrean dauden xedapenek zergen eta/edo Gizarte Segurantzaren arloan ezartzen dituzten betebeharrak egunean ez dituztenak.
- Ebazpen irmo bidez jasotako zigorraren ondorioz dirulaguntzarik eta/edo laguntza publikorik jaso ezin dutenak, edo horretarako ezgaitzen dituen legezko debekuren bat dutenak, horren barne direla 1/2023 Legegintzako Errege Dekretuak, martxoaren 16koak, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duenak, 23.2 artikuluan xedatutakoaren arabera, sexuagatiko diskriminazioa egin izanagatik zigorra jaso dutenak. Halaber, ezingo da laguntza jaso pertsona fisikoak edo onuradunak administrazio edo zigor arloko zigorra jaso badu sexuagatiko diskriminazioa egiteagatik edo emakume eta gizonen berdintasunerako araudia ez betetzeagatik, dagokion zehapenean ezarritako epean zehar. Era berean, ezingo dute laguntza edo dirulaguntzarik jaso Estatuko araudiaren arabera indarreko

berdintasun plan bat izan beharko luketen eta ez duten enpresek, ez eta 50 langiletik gora izanda, sexu jazarpena, sexuagatiko jazarpena eta sexu indarkeriak prebenitzeko eta borrokatzeko neurriak ezarri izana egiaztatzen ez dutenek, emakume eta gizonen arteko berdintasunerako Estatuko legerian ezarritako baldintzetan.

- Donostiako Udalarekin eta/edo Donostia Sustapenarekin zorren bat dutenak.
- Aurretiaz emandako laguntzak erabat edo partzialki itzultzeke dituztenak, itzuli beharreko zenbatekoa itzuli dela egiaztatzen ez bada.

39/2015 Legeak, urriaren 1ekoak, Administrazio Publikoen Administrazio Prozedura Erkidearenak, 28.2 artikuluan xedatutakoaren arabera, interesdunek eskubidea izango dute dagoeneko Administrazio jardulearen esku dauden edo beste edozein Administraziok egin dituen dokumentuak ez aurkezteko. Horrez gain, administrazio jarduleak dokumentu horiek kontsultatu edo bildu ahalko ditu, interesdunak horri aurka egiten ez badio. Aurka egitekotan, berriz, ziurtagiriak aurkeztu beharko dira.

Donostia Sustapenak, Donostiako Udalaren jabetzakoa den elkarreragintasan aplikazioaren bidez, Administrazio Publiko eskudunei kontsultatuko die zuzenki jarraian adierazitako informazioa, prozedura honen ebazpenerako eta ordainketetarako:

- Udalarekiko eta Donostia Sustapenarekiko ordainketak egunean izatearen ziurtagiriak.
- Foru Ogasunarekiko ordainketak egunean izatearen ziurtagiriak.
- Onuradunaren eta sustatzaileen Ekonomia Jardueren gaineko Zergaren (EJZ) historia.
- Gizarte Segurantzarekiko ordainketak egunean izatearen ziurtagiriak.

Dirulaguntza eskatzeko momentuan eta ordainketa bakoitza egiteko momentuan Udalaren, Foru Ogasunaren eta/edo Gizarte Segurantzaren diru bilketarekiko egunean ez dauden onuradunek HAMAR (10) egun baliodun izango dituzte, jakinarazpena jasotzen dutenetik, obligazio hori bete izana egiaztatzeko.

#### **4. ARTIKULUA. DEIALDI HONETAN PARTE HARTZEKO ONURADUNEN BETEKIZUNAK**

Onuradun izango dira eskabidearen datan Ekonomia Jardueren gaineko Zergaren 1. sekzioan alta emanda dagoen establezimendu ekonomiko baten titularrak, betiere establezimendua helbide hauetako batean kokatuta badago:

San Bartolome kalea:	3tik 11ra arteko atariak (biak barne) eta 4tik 12ra artekoak (biak barne).
Easo kalea:	27tik 37ra arteko atariak (biak barne).

Ezingo dira onuradun izan:

- Irabazi asmorik gabeko fundazioak, entitateak eta elkarteak.

- % 25ean edo hortik gorako maila batean sektore publikoko erakundeen (sektore publikoko gisa ulertuta 9/2017 Legeak, azaroaren 8koak, Sektore Publikoko Kontratuenak, Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen Espainiako ordenamendu juridikorako transposizioa egiten duenak, 3. artikuluan barne hartutako erakundeak), irabazi asmorik gabeko erakundeen, ondare sozietateen eta/edo elkargo profesionalen mendekoak edo jabetzakoak diren erakundeak.

## **5. ARTIKULUA. DIRUZ LAGUNTZEKO MODUKO KONTZEPTUAK ETA LAGUNTZEN ZENBATEKOA**

Laguntzaren zenbatekoa 550 eurokoa izango da gehienez, eta hauek dira diruz laguntzeko moduko kontzeptuak:

a) Ondasun Higiezinaren gaineko Zergaren (aurrerantzean, OHZ) 2024 ekitaldiko kuota likidoaren zenbatekoa, jarduera garatzen den lokalari dagokiona, betiere 4. artikuluan xedatutakoa betetzen badu.

b) Donostiak Udalak, 2024 ekitaldian zehar, 4. artikuluan adierazitako jardueraren lokalari zuzendutako uraren ordainagiriaren zati finkoa (kontsumoa kenduta) eta zabor eta estolderia ordainagiriak.

Laguntza jarduera ekonomikoaren titularrari emango zaio, OHZ, ur eta zaborren ordainagiriak lokalaren errentatzailea den jabeak ordaintzen baditu ere.

## **6. ARTIKULUA. BESTE LAGUNTZA BATZUEKIKO BATERAGARRITASUNA**

Laguntza hauek bateragarriak izango dira xede bererako emandako beste dirulaguntza, laguntza, diru sarrera edo baliabide batzuekin, edozein administrazio edo erakunde publiko edo pribatuk emandakoak, nazionalak, Europar Batasunekoak edo nazioarteko erakundeenak, betiere beste dirulaguntza horien araudian ezarritakoa kaltetu gabe eta baldintza hauek betetzen badira:

Oinarri hauetan ezarritako laguntzek jarraian adierazitako araudian ezarritako *minimis* arauak errespetatuko dituzte: 2023/2831 (EB) Batzordearen Erregelamendua, 2023ko abenduaren 13koa, 2023ko abenduaren 15eko EBAOan argitaratua, Europar Batasunaren *minimis* laguntzen Funtzionamendu Tratatuaren 107. eta 108. artikuluen aplikazioari buruzkoa.

Oinarri hauetan ezarritakoaren arabera jasotako laguntzaren zenbatekoa, bere horretan edo bestelako dirulaguntzekin, laguntzekin, diru sarrerekin edo baliabideekin batera, ezingo da izan diruz lagundutako jardueraren kostua baino handiagoa.

## 7. ARTIKULUA. ESKABIDEAK ETA AURKEZTU BEHARREKO DOKUMENTAZIOA

Laguntza publiko honen deialdia Dirulaguntzen Datu Base Nazionalean argitaratuko da eta, ondoren, Gipuzkoako Aldizkari Ofizialean argitaratuko da laburpena.

**Laburpena Gipuzkoako Aldizkari Ofizialean argitaratu eta biharamunetik hasita aurkeztu ahalko dira laguntza jasotzeko eskabideak, deialdiaren amaierara arte, hots, 2024ko azaroaren 30era arte.**

Eskabide bat aurkeztuko da 4. artikuluan ezarritako baldintzak betetzen dituen lokal bakoitzeko.

Eskabideak telematikoki aurkeztuko dira Donostia Sustapenaren webgunearen ([www.fomentosansebastian.eus](http://www.fomentosansebastian.eus)) bidez.

Informazio behar, zalantza edo kontsulta gehigarriak izatekotan, Donostia Sustapenak pertsona guztien eskura jarriko ditu [943482800](tel:943482800) telefonoa eta [fomentoss@donostia.eus](mailto:fomentoss@donostia.eus) helbide elektronikoa. Komunikazio horietan, gai hau adierazi beharko da: **SAN BARTOLOME-EASO METRO laguntza 2024.**

Eranskinak erabat bete beharko dira eta behar bezala sinatu beharko dira.

Aurkeztu beharreko dokumentazioa honako hau izango da:

- a) Eskabidearen eranskina (sinadura elektronikoa behar du).
- b) Enpresa eskatzailearen bankuko datuen eranskina, banku erakundeak sinatua, edo bankuko dokumentu baliokidea (titulartasun ziurtagiria).
- c) Pertsona fisikoa bada, eskatzailearen NANaren kopia.
- d) Pertsona juridikoa bada, eskatzailearen IFKren kopia. Era berean, ahaldunaren NANaren kopia eta ahalduntze hori egiaztatzen duen titulua aurkeztu beharko dira.
- e) 2024 ekitaldiko OHZren, uren eta zabor-estolderiaren bankuko ordainketaren ordainagiri eta egiaztagiraren kopia, Oinarri hauen 4. artikuluan adierazitako jarduera eta kokalekua dituen lokalari dagozkionak.

Enpresa edo erakunde eskatzaileak dagoeneko dokumentu horietakoren bat aurkeztu badu 2018 urteaz geroztiko Donostia Sustapenaren laguntza programaren batean parte hartu izanagatik, ez du dokumentazio hori berriro aurkeztu beharko, betiere dokumentuek indarrean jarraitzen badute eta/edo ez badute inolako aldaketarik izan.

Dirulaguntza eta ordainketak eskatzeko momentuan Udal Zerga Bilketaren, Foru Ogasunaren eta/edo Gizarte Segurantzaren betebeharrak egunean ez dituzten erakundeek betebehar horiek bete izana egiaztatu beharko dute. Donostia Sustapenak zuzenketa jakinarazpena bidaliko die helburu horretarako.

Onuradunak bere gain hartuko du egindako erantzukizunpeko adierazpen guztien egiazkotasunaren erantzukizun osoa, bai eta aurkeztu diren gainerako informazio eta dokumentuen egiazkotasunari dagokiona ere.

## 8. ARTIKULUA. ESKABIDEAK DITUEN AKATSAK ZUZENTZEA

Donostia Sustapenak, dokumentazio guztia berrikusi ondoren, egiaztatzen badu osatugabe dagoela edo dokumenturen bat falta dela, eskatzaileari eskatuko dio dokumentazio falta zuzentzeko edo beharrezkoak diren dokumentuak aurkezteko, **hamar (10) egun baliodunen** epe barruan gehienez, eta ohartaraziko dio ere, akatsa zuzendu ezean, eskabidea baztertu egingo dela, izapide gehigarririk gabe, horren inguruko ebazpen ukatzailea emanda. Horrez gain, egokitzat jotzen badu, Donostia Sustapenak eskubidea izango du beharrezkotzat jotzen dituen argibideak eskatzeko pertsona edo erakunde eskatzaileak aurkeztutako nahi adina dokumenturi edo informazioari buruz.

Zuzenketak posta elektronikoz jakinaraziko dira onuradunak harremanetarako helbide elektronikoa gisa emandako helbidean. (JAKINARAZPENETARAKO HELBIDE ELEKTRONIKOA). Nolanahi ere, jakinarazpenak web aplikazioan ere aurkituko dira, pertsona edo erakunde eskatzaile bakoitzaren espediente barruan.

Zuzenketa posibleak egiteko eskatu den dokumentazioa aurkezteko, hasierako eskabidea aurkezteko erabili zen kanal bera baliatuko da. Ez dira onartuko posta elektronikoz egindako zuzenketak.

Laguntzak ematea edo ukatzea Donostia Sustapenaren berariazko ebazpen arrazoitu bidez egingo da, kontuan hartuta Oinarri hauetan ezarritako betekizun eta baldintza guztiak bete diren ala ez.

## 9. ARTIKULUA. LAGUNTZA IZAPIDETZEA ETA EBAZPENA

Eskabideak erregistro ordenaren arabera ebaluatu eta ebatziko dira, esleitutako baliabide ekonomikoak agortu arte.

Eskatutako laguntzaren inguruko ebazpena emateko epea HIRU (3) hilabetekoa izango da, eskabidearen erregistro datatik hasita, epe horren barruan zenbatu gabe dokumentazioa zuzentzeko garaia. Laguntza ematearen ebazpena ezarritako epe barruan ematen ez bada, ez da ulertuko laguntza eman egin dela.

Eskaera ebazteko, Donostia Sustapenak pertsona edo erakunde eskatzaileak aurkeztutako derrigorrezko dokumentazioa berrikusiko du. Eskatu gabe aurkeztu diren gainerako dokumentuak ez dira halabarrez aztertuko laguntza ebaztean.

Laguntza ematea edo ukatzea Donostia Sustapenaren berariazko ebazpen bidez egingo da eta posta elektronikoz jakinaraziko da.

Ebazpenak eskatzaileei jakinaraziko zaizkie eta onuradunen zerrenda argitaratuko da.

Deialdi honen inguruko jakinarazpenak bitarteko elektronikoen bidez egingo dira, eskabidean adierazitako helbide elektronikora.

Emandako ebazpenarekin ados ez egotekotan, alegazioak aurkeztu ahal dira hilabete bateko epe barruan, ebazpenaren datatik hasita. Horretarako, eskatzaileak Donostia Sustapenarekin harremanetan jarri beharko dira alegazioak izapidetzeko prozeduren berri jasotzeko. Donostia Sustapenak erabakitakoa errespetatu beharko da eta bi alderdiak, egokia denean, Donostiako auzitegi eta epaitegien jurisdikzioaren mende jarriko dira.

## **10. ARTIKULUA. LAGUNTZA EKONOMIKOAREN JUSTIFIKAZIOA ETA ORDAINKETA**

Laguntza ordainketa bakarrean ordainduko da, onuradunak Oinarri hauen 7. artikuluan adierazitako dokumentu guztiak aurkeztu ondoren.

## **11. ARTIKULUA. ONURADUNEN BETEBEHARRAK**

Laguntza hauen onuradunek 38/2003 Legeak, azaroaren 17koak, Dirulaguntzen Lege Orokorrak, 14. artikuluan jasotako betebeharrak orokorrak izango dituzte eta, ondore hauetarako, artikulua hori aplikagarritzat joko da berariaz, betebeharrak hauei dagokienez (besteak beste eta mugarik gabe):

- a) Diruz laguntzeko moduko gastuen frogagiriak aurkeztea, ezarritako moduan eta epe barruan.
- b) Jasotako laguntzen aplikazioaren frogagiriak gordetzea, egiaztapen eta/edo ikuskapen jarduketetan eskatu ahal diren bitartean eta, edozein kasutan ere, araudi aplikagarrian ezarritako epean zehar.
- c) Proiektua osatzen duten jardueren gastu eta diru sarrera guztien kontabilitatea eramatea.
- d) Kontabilitate liburuak behar bezala mantentzea, betebeharrak hori duenean.
- e) Zerga betebeharrak eta Gizarte Segurantzarekikoak egunean edukitzea.
- f) Laguntzak jasotzeko kontuan hartu diren inguruabar subjektibo zein objektibo guztien aldaketa guztiak Donostia Sustapenari jakinaraztea.
- g) Donostia Sustapenak, bere eginkizunen esparruan, eskatzen duen emandako laguntzei buruzko informazio guztia ematea.
- h) Donostia Sustapenari jakinaraztea xede bererako jasotzen diren gainerako dirulaguntzak, laguntzak, diru sarrerak edo bestelako baliabideak.
- i) Donostia Sustapenari jakinaraztea laguntzaren eskabidean adierazitako baldintzak aldatzen dituen edozein inguruabar.
- j) Egokia denean, Donostia Sustapenari laguntzea finantza kontrolerako jarduketetan eta egin ditzakeen egiaztapenetan, haren eskura jarrita eskatzen dion informazio eta dokumentazio guztia.
- k) Laguntza jaso duen jarduera gauzatzeko behar diren lizentzia eta baimen guztiak edukitzea.
- l) Oinarri hauetako 3. eta 4. artikuluetan adierazitako baldintzak betetzea.

m) Euskal Autonomia Erkidegoko hizkuntza ofizialen erabilera bermatzea (euskarari lehenetsua emanda) komunikazio euskarrietan (webgunea, gizarte sareak, posta elektronikoa, megafonia, etab), sustapen eta hedapen materialen argitalpenean, antolatzen diren jardunaldi eta ekitaldien hizkuntzan, etab. Erakunde eskatzaileek Donostiako Udaleko euskara zerbitzuaren aholkularitza eskatu ahalko dute testuak itzuli eta zuzentzeko (itzulpenek gehienez ere 1.000 karaktere izango dituzte hilean eta, zuzenketek, 9.000 karaktere), betiere zerbitzuaren baldintzak eta ezaugarriak betetzen badira.

(<http://www.donostiaeuskaraz.eus/euskaraz/dirulaguntzak/lang/es>)

## 12. ARTIKULUA. LAGUNTZAK ITZULTZEA

Onuradunak jasotako laguntza itzuli beharko du, gehi diruaren legezko interesa –ordainketa egin zen momentutik hasita–, kasu hauetako edozeinetan:

- Oinarri hauetan aurreikusitako betebeharren ez betetze larri eta errepikatua. Ez betetze larri eta/edo errepikatutzat hartuko da Oinarri hauetako betebeharrak bat edo gehiago ez betetzea, behin baino gehiagotan; emandako datuen, ziurtagirien, txostenen eta/edo dokumentazioaren faltsutasuna edo faltsutzea; eta/edo Oinarri hauen esparruan jasotako laguntza guztia edo horren zati bat aurreikusitakoak ez diren xedeetarako erabiltzea.
- Onuradunaren jardueraren gainean egin litezkeen egiaztapen eta ikuskatze jarduerari aurka egitea, aitzakia jartzea, oztopoak jartzea edo uko egitea, eta kontabilitate, erregistro edo dokumentuen kontserbazioaren arloetako betebeharrak ez betetzea baldin eta horren ondorioz jasotako ekarpenei emandako erabilera egiaztatzen ez bada, finantzatutako jardueren errealitatea eta erregularitasuna egiaztatzen ez bada, edo administrazio edo erakunde publikoen zein erakunde pribatuen eskutik – nazionalak, Europar Batasunekoak edo nazioartekoak– xede bererako jasotako dirulaguntzak, laguntzak, diru sarrerak edo baliabideak egiaztatzen ez bada.
- Jarduerak gehiegizko finantzaketa izango balu, xahutu ez den zenbatekoa edo soberako finantzaketa itzuli beharko da.

Donostia Sustapenak Oinarri hauetan ezarritako egoeraren bat gertatu dela egiaztatzen badu, ekarpena itzuli beharko da, jarraian adierazitako baldintzetan.

Itzulera laurogeita hamar (90) egun naturaleko epe barruan egingo da, Donostia Sustapenak burofax bidez artikulua honetan aurreikusitako itzulera egoera baten egiaztapena onuradunari bidaltzen dion egunetik zenbatzen hasita.

Gorago adierazitako itzulera egoeraren bat gertatzen bada, onuradunak ordaintzeke dauden zenbatekoak kobratzeko eskubidea galduko du ere, halakorik balego.



Nolanahi ere, laguntza hauei onura ateratzeko eskatzen diren betekizunak momentu oro bete eta mantendu beharko dira. Bestela, Donostia Sustapenak laguntza itzultzea eskatu ahalko du, aurreko paragrafoetan zehaztutako baldintzetan. Halaber, ez betetze kasu larrietan, esaterako, datuen faltsutasuna edo jasotako laguntza osoa edo zati bat desbideratzea, Donostia Sustapenak ahalmena izango du emandako laguntza deuseztatzeke eta, egokia bada, jasotako zenbateko guztiak itzultzea eskatzeko, bost aldiz jasotako zenbatekoaren baliokidea den zenbatekoa ordaintzea eskatzeaz gain.

### **13. ARTIKULUA. DATU PERTSONALEN BABESA**

Indarrean dagoen datuen babeserako araudian xedatutakoaren arabera, jakinarazten da zeuk emandako datu pertsonalak Donostiako Udalak tratatuko dituela, tratamenduaren arduradun gisa jardunda. Informazioa Donostia Sustapena, S.A. sozietateak kudeatuko du, tratamenduaren eragilea den heinean.

Tratamenduaren xedea zure laguntza eskabidea izapidetu eta kudeatzea izango da.

Tratamenduaren legitimotasun oinarria izango da Datuen Babeserako Erregelamendu Orokorrak (DBEO) 6.1.e) artikuluan xedatutakoa: tratamendua beharrezkoa bada interes publikoaren izenean edo tratamenduaren arduradunari esleitutako botere publikoen izenean burututako eginkizun bat betetzeko: 7/1985 Legea, apirilaren 2koa, Toki Araubidearen oinarriak arautzen dituena; 2/2016 Legea, apirilaren 7koa, Euskadiko Toki Erakundeei buruzkoa; eta 38/2003 Legea, azaroaren 17koa, Dirulaguntzen Lege Orokorra.

Oinarri hauetan edo dagozkion eskabide inprimakietan hala adierazten bada, datu pertsonalei buruz eskatutako informazioa entregatzea derrigorrezkoa izango da eta informazio hori ez emateak edo datu okerrak emateak eskabidea kudeatzea galaraziko du.

Oinarri hauetan araututako laguntzen onuradunek emandako datu pertsonalak, egokia denean, laguntzen finantzaketan parte hartzen duten eta/edo Donostia Sustapenarekin laguntzak kudeatzeko lankidetzan aritzen diren beste erakunde nazional edo nazioz gaindiko erakunde batzuei lagatzea gerta liteke, betiere lagapen hori beharrezkoa bada eta laguntzak kudeatzeko helburuetarako soilik.

Halaber, jakinarazten da laguntza emateak onuradunaren identifikazio datuak jakinaraztea edo lagatzea ekarriko duela, datu horiek, emandako laguntzaren zenbatekoarekin batera, Donostia Sustapenaren webgunean eta Dirulaguntzen Datu Base Nazionalean argitaratuko baitira.

Ez da aurreikusi hirugarrenei zuzendutako datuen komunikazio gehigarririk, legezko betebeharririk izan ezean, ez eta datuen nazioarteko transferentziarik ere.

Tratamendu honen objektua diren datu pertsonalak gordeko dira jaso ziren xedea betetzeko beharrezkoa den denboran zehar eta xede horretatik eta datuen tratamendutik erator

litezkeen erantzukizun posibleak argitzeko beharrezkoa den denboran zehar. Artxiboen eta dokumentazioaren araudian xedatutakoa aplikagarria izango da.

Interesdunek atzipen, zuzenketa eta ezabaketa eskubideak baliatu ahalko dituzte, indarrean dagoen datuen babeserako araudian aurreikusitako gainerako eskubideekin batera, hala dagokienean, Donostiako Udalaren Udalinfo Zerbitzuaren aurrean, helbide honetan: Easo kalea 41, 20006 Donostia / San Sebastián.

Norberari dagozkion eskubideak baliatzean behar bezalako arreta ez jasotzekotan, erreklamazio bat aurkeztu ahalko da Datuak Babesteko Euskal Bulegoaren aurrean. Helbidea: Tomas Zumarraga Dohatsuaren kalea 71, 3. solairua - 01008 Gasteiz. Hala ere, aldeztu aurretik eta hautazko moduan, Donostiako Datuen Babeserako Ordezkariekin harremanetan jartzeko aukera izango du interesdunak: [dbo@donostia.eus](mailto:dbo@donostia.eus).

#### **14. ARTIKULUA. AZKEN XEDAPENA**

##### Indarrean sartzea eta onarpena.

Oinarri hauek Gipuzkoako Aldizkari Ofizialean iragarriko dira eta argitalpen horren hurrengo egunean sartuko dira indarrean.

Eskabidea aurkezteak Oinarrien erabateko onarpena dakar.

##### Erantzukizun salbuespena.

Onuraduna izango da laguntzaren objektua den jarduera egin aurretik edo ondoren izandako jarduketan ondorioz edo jardueraren ondorioz eragindako kalte pertsonal eta/edo materialen erantzule bakarra eta Donostia Sustapena kontzeptu hauen gaineko erantzukizun orotatik libre utziko du.

#### **15. ARTIKULUA. ARAUBIDE JURIDIKOA**

Emandako laguntzak Oinarri hauek ezarritakoaren arabera arautuko dira eta, modu osagarrian, DLOan eta DLOaren Erregelamendua onartzen duen uztailaren 21eko 887/2006 Errege Dekretuak (aurrerantzean, DLOE) onartutako garapen erregelamenduan xedatutako arauen arabera, baina bakarrik DLOan ezarritako kudeaketa printzipioei eta bere 20. artikuluan aipatutako informazio printzipioei dagokienez; hori guztia aplikazio hori ezartzen duen DLOaren 3.2 artikuluko bigarren paragrafoaren arabera.

Gainerako kasuetan, aipatu DLO eta DLOE testuak aplikagarriak izango dira bakarrik Oinarri hauek legezko testu horiek berariaz aipatzen diren alderdietarako.

Donostian, sinaduraren datan.

**Iñigo Olaizola Arcaute.**  
Zuzendari Kudeatzailea